

Berita Harian, 26 april 78.

Mahathir: Parti tak halang siapa pun bertanding

KUALA LUMPUR, Selasa — Pemangku Timbalan Presiden UMNO, Datuk Seri Dr. Mahathir Mohamad, menegaskan tiap ahli berhak bertanding merebut apa juga jawatan dalam parti, jika dibenarkan oleh perlembagaan parti.

Timbalan Perdana Menteri menyatakan demikian ketika diminta mengulas keputusan UMNO Bahagian Sungai Besi mencalonkan bekas Ketua Penerangan UMNO,

Haji Sufalman Palesti, bertanding jawatan Presiden dan Datuk Harun Haji Idris, yang kini menjalani hukuman penjara, bertanding untuk jawatan Timbalan Presiden.

Datuk Seri Dr. Mahathir berkata, pencalonan yang dibuat oleh UMNO Bahagian Sungai Besi itu menunjukkan demokrasi wujud dalam UMNO.

“Kita dalam parti sentiasa mengamalkan demokrasi,”

katanya.

Perdana Menteri, Datuk Hussein Onn, dan Datuk Seri Dr. Mahathir, telah dicalonkan oleh beberapa bahagian UMNO sebagai Presiden dan Timbalan Presiden.

Pemilihan Presiden, Timbalan Presiden, tiga Naib Presiden dan 20 anggota Majlis Tertinggi akan diadakan dalam Perhimpunan Agung UMNO selama tiga hari mulai 23 Jun akan datang.